

Iano Yn Khot PAPA ?



C. KHARSOHNOH

1994

Acc. No. 4052/1/RB

Class No. _____ Book No. _____

Author Kherbakhnah, C.

Title iano yn khot papa?

Acc. No. 4052/1/RB

DISTRICT LIBRARY

GOVERNMENT OF MEGHALAYA

RI - BHOI

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.

Help to keep this book fresh & clean

IANO YN KHOT PA PA

La Thoh Da U

Cherleston Kharsohnoh

‘Ia Ka Hok Longtraï La Tyngkai’

1994

*La shon ha Scorpio Printing Press
Mawkhar Shillong – 2*

IANO YN KHOT PAPA?

Da U Charleston Kharsohnoh. 1993.

Na U Nongthoh.

Kiei kiei kiba don ha kane ka jingiathuh khana, kim don jingiadei eiei ne ia suoh bad kiba dang im, Ki long tang kiba u nongthoh u shu mutdur ban pynlahap bad ka jingiathuh-khana.

... ..

Ha kaba pynmih ia kane ka jingiathuh-khana, nga pynpaw ia ka jingsngewnguh jong nga ia i Kong Dhiarbly Kharsohnoh iba la iarap ban type bad pynbeit ia ka kot jongnga.

Kumjuh ruh ia i bah H. J. Lyngdoh iba la ju iarap ianga bunsien.

Khublei shibun,

*U Charlestone Kharsohnoh,
(N o n g t h o h)*

Dated: Mawdung P. O. Sohiong
East Khasi Hills.
793120

The : 21st. June 1993.

Iano Yn Khot Papa ?

"..... Pleng, ka Wanrita ka la armet du khat ei ?".

"He ! ka Wanrita, ka khun ka kong Nai ! ka la armet? Ngam lah ngelt.....?"

"Phim ngeit ? ka la jan dap saw bnai "

"He ! na u ei, ka armet ?" kyll lyngngoh ka Sitalin.

" Na u ei ? Phim tip seh ?"

" Em ".

" Na u Phrangbor ". la iathuh ka kong Sngaid.

"He !!!! Na na na u Phrang....bor ?" Kyndit thret ka Sitalin la kumba loh iuh tdong - bsein, ba ka tang shu tip ba ka Wanrita ka armet na u Phrangbor, u khun jongka ." Kumno? Shano Un ia kynduh bad ka haba u shu im bad nlah kali beit tang sha ri Dkhar ?".

"Wa ! Phim ong eh, shano ?" lai ban ka kong Sngaid. "Phi lah seh ban bud. ha kti ha kjat bad sngi bad miet ?".

“Em nga te ngam nang batai shuh”.
 Bynniaw ka Sitalin, ka da trud artat ia la ka
 khlieb. “Ka mat iadep shato”.

“Wa phi mut kumno kumta? Mynta
 lei ka dei sa ka pali u khun jong phi kein
 ba un leit - ri leit - sumar noh iaka.” Kren
 ‘riewtymmen ka Kong Sngaid.

Kumne baroh arngut thlom-shi-tblom ki
 fa tai-nia tai-khana, shaphang ka Wanrita bad
 u Phrangbor. Dei tad ynda ka sngi ka la
 bubrieh noh ialade sha krem ‘lamet ‘latang,
 Kine arngut ruh ki sa pyngkut pynwai noh
 ia ka jingiakren.

Ka Sitalin ka dei ka tnga u Sumarlang,
 kine arngut shi-tymmen ki don arngut ki khun
 u Phrangbor bad ka Sukrilin, kiba long ki
 soh-ksiar soh-rupa jong-ki. Ki shong ki sah
 ba la i jong i trep, kaba don ba kliar u lum
 ba pyngngad. Ka sngi tang mar iamib bloit
 na krem ‘lamet ‘latang ka doh-ieid ia kane
 ka shnong, la ju tip ia kane ka shnong, Ka
 Lumslej, Kaba hap hapoh ka jingpeit bad
 jingsynshar u Lyngdoh ka Hima Sohiong.

U Sumarlang, u Kpa jong u Phrangbor,
 u dei na ka ing badonburom don-akor bad
 banang bastad, um ju tyngkai ialade na ka
 bynta ki khun ta kin im ka jingim ha ka
 rukom ka-ba dei. U long uba-smat ba-sting
 bad uba kitkhia ia ka rep ka riang. Kum-

juh Ka Sitalin ruh, kam ju pynsep ei iala ka por, Ka iai dem duriap beit tang ha lyongkha bad ha bri-sob bri-pai.

Ki sngi ki ia, ki mareh sted na kawei ka aiom sha ka wei pat. U Phrangbor. uba long u khun-Phrangsngi u Khun-Phraugkhmat jongki, U la dap arphew snem pura ka rta, u la leit niah kali noh bad la u Kni, sha Jowai.

..... Silsnar bad Guwabati. Ka Sukrilin pat ka la dap khatsan snem ka rta, ka dang pule ha ka klas III (L P.School). Kumta myo-sngi ka la johlad ban iarap kam lem ia la ki kmie ki kpa ha ka shet ka tiew bad ka khlieng ka sait. Kumne ki im ha ka jingim ba man-la ka sngi, Ki im-suk im-sain, ki dap tang ka jingkmien jingsngewbha ryingkat ka pahuh pahai, kim ju tip ia ka pang ne khuslai, ka jingsuk ka synsbar sarlorsar ha ka ing ka sem jongki, bad ka long ruh ka nuksa ba tyngshain ia kiwei pat ki long-ing long-sem.

Ka Lyer-Pyrem ka la sdang kawiat halor ki dieng ki siej. U Ditdiaw ruh u la sdang kynto shnong kynto thaw ban kysiew thiah ia u nongrep ban khreh ka puh ka daiñ, ban thung ban tep noh ia la ki symbai ki rnai. Ki Erbatemon batesi ki beh jem jai jai ban pynpyngngad ia ka shnong ka thaw. Ki ngap ki lwai ki her na uwei u syntiew sha uwei pat ban kjit ban rong ia ki Umshini Um-mithai sha la ki ksing ki sympa. Ki sim ki deh ki

pah ki rwa! sngewbha na u dieng sha u dieng
 ban pynpyngngad la u Khun - bynriew na ka jing-
 shit bad jingshoh jong ki kjat - sngi KA MEI—
 PYREM. Ki dieng ki siej ki la kup la riam
 thymmai da ki rong jyrngam ryngkat bad ka
 shad ka Kohnguh Khlich ha ka jingbeh jong
 ki lyer ba iewbih suhsiang.

Hapdeng ka jingshit bad jingshoh ka sngi
 Pyrem, kine arngut shitymmen ki dem ngun
 ran lur bad puh, namar ba ka por ka la dei
 ban thung ban tep noh ia la ki symbai ki
 rnai. Ka shnong ka thaw ruh ka la kynjah
 jar, ki tymmen - kynthai bad shynrang ryng-
 kat ki samla samhoi sha lum sha la ki lyng-
 kha ha la ki kam bapher jong ki. Ki Khyn-
 nah shynrang pat sha lum sha wah ki sharai
 ia la ki masi ki blang bad la ka wad sla-
 dieng slasiéj, 'langlung 'lang - jyrngam. Haba
 la dep ka thung ka tep na - dong sha - dong,
 baroh sha la ki jong ki 'lawrit ki 'lawbniap
 ban lum ban tam la ki diengiap diengthang,
 ban dup kynshew lypa na ka bynta ka Lyiur.

Kumne man ka sngi, Ka Sitalin bad la
 u tnga, u Sumarlang, ki trei ki ktab, ki da
 jaleh shitom katlah kat - lai ban pynheh pyn-
 roi ia ka rep ka thiew, ka thung ka tep ban
 dup pahuh pahai ka bam ka dih ha ling ha
 sem. Ki 'imsuk imsaifi ba seisoh eh ka rep ka
 riang bad ki jingri jingdup ruh ki iarol la-
 man bha Kyrhai. Mynsngi sha lum, sha lyng-
 kha ryngkat ki umsyep kiba twid halor ki

ngab jong ki, mynmiet pat ki ker sawdong,
ia ka lyngwiar dpei ryngkat ka sneng pura-
mit ia la ki khun haba ki ia don - lang khruai.

U Phrangbor wat la u siah kali sha ki
jaka bapher bapher, hynrel um ju pep ban
wan ing manla ka Sngi U Blei, u pynieng
shyeng ia ka trok ha phyllaw ing jong u, haba
u wan sha shnong.

Ka dei ha ka step sngi-Nyngkong, 20 ta-
rik u Risaw, ba phriang jarut ka miaw ha
sahit bneng, U Phrangbor u dang mut ban
mib nob na la ing ban leit kit Mawshun na
Shella sha Guwahati, ha-mar kata ka por, wan
rung kluk ka Wanrita, liap rong sui ka dur
bhabriew u Phrangbor.

"Shong-shong," U pyntur artad ia ka mu-
la shajan jong ka, ryngkat ki ngab ba la kiew
saw, ka kmie te kam da sngew than ia kita
baroh, namar ka la tip lypa.

"..... nga imat ka la armet ne
.....?" la rai weibriew u Phrangbor. Ha-
mar kata ka por wan rung u kpa jong u
Phrangbor.

"Wa I Kong Phi wan na ing
ne?" kylli ia rung u kpa jong u Phrang-
bor, katba ka kmie pat ka shu sngap kyrtlup
man-man.

"Ha-oid," jubab ka Wanrita, ka da sei artad u kwai u tymphew na ka pla ban ia-song iaki.

Hadien ba ki ladep ia song mar shi kyn-tien kwai, ka Wanrita khlem kano kano ka khhik jingmut ne jinglebraiñ, ka la sdang ban phlei ha ki ia kaei kaba ka la thmu.

"Kjaw Kthaw," ka nguid umbiah artad "Phi ia donlang kumne khruai Map ianga," Nangta ka phai sha u Phrangbor, "Bah-Heb, mynta nga la armet na phi". Ka pynkut artaj.

Baroh kim ia lait ang shuh, shu sha-iong ngain la kumba tied u pyrthat rkhiang, ka dohnud u Phrangbor ka la dap mam bad khhik phaloh ryngkat ka 'tieng-lehrain haduh ba la kiew iong-ngaw ki ngab kum u roga. Ki kam barieh jong jongu, mynta ki la paw shai kdar. Ka kmie jong u kam patiw ei ei, hynrei u kpa te u la bitar lep, u la sdang kiew-saw ki ngab ryngkat ka jing-dom ia la u khun, uba shalak mynsiem myn-leh-biej pyrthei.

" Phi la ia-shong slem ?" kylli u kpa jong u Phrangbor um jubab, u nguh ngun ka khhieh shapoh.

" la hynriew bnai ei ei", jubab ka Wanrita. Nangta ka bteng biang. "Mynta nga wan ban khot noh ia I ba in-kit in-bah, ban ri ban bsa noh ianga kumba I la kular".

"... Ynda jan kha sa u khun
phi wan khot, Balei phim wan-khot naduh ba
tang shu dep-ia shong," Kren bym salia ka
Sitalin, ka da peit pynheh artad ki khmat sha
ka Wanrita.

"Nga lah da khot phi kiaw, nga la ia-
thuh ba I Mei I Pa ruh, hynrei I Bah-heh I
pan por", iathuh hok ka Wanrita.

"Me !!! Khie kata", kynbied
u kpa, nangla u bteng, "Me u 'riew-lyndet u
'riew-lyndang, u bymbit shuh ban da kylli ne
iathuh ba rgi ki kmie ki kpa shwa ba men
leh ia kano kano kam. Me la sngew rang-
bah ia lade, me la lah ban ieeng ha la ki kjat,
Me la kit ia kata ka lyngkor, Me hap ban
pyndep ia la ka kamram kaba Me dei ban leh."

'Em. !! em !!! Nga ngam suk
ngam sngewtynnad". Khanglad ka kmie ryng-
kat ki 'tien. khor bad ka da pynroh artad ia
la u khun." Hei ho lih, wat leit!"
ka da peit dom artad ia ka Wanrita.

"Wa! phi mut kumno kumta? Phin
bah khadadar maphi ia ka ka Jot ka pei"
kynteit u kpa ia ka kmie.

"Em, nga ngam sngewtynnad ban ia poi-
kha poi-man bad ka jait ka Kur jongphi," ka
phai artad sha ka Wanrita," Naduh kato ka
kam khyndew mynshwa."

"Phi suk ne phim suk ngam tip ia kata ta'ngba" u kpa um pat pynkut, ka kmie ka la koieh ktien.

"Phi lei sngap jak ! wat batai !" kada kynhied tyngeh ia la u tnga," ngin shu phah ia u, phi lah ban ban tip ia ka long-ing long-sem, ka long kumno?"

Ka kmie kam ai lad, ka pynmeng pynsarong ia la u khun, namar ka jingisih jong ka ia ka Wanrita, ka leh bym salia ryngkat ki 'tien-khor haduh ba kila dung ngak ia ka dohnud ba lui lui jong ka Wanrita.

Ki phylliah-ding ki la sdang bthei ha ka dohnud jong ka Wanrita, ka la Kiew saw lep ki ngab ryngkat ka jing dom jingbitar. Kum ka 'riew-kynthei, ka sngewjahburom ialade la kumba ka dei ka dakait kynsha aiu re.

"To kata ! Rai maphi Phrangbor", ka phai sha u Phrangbor ryngkat ka jing-sngewsih.

"Em ngam leit," u Pyngh dohnud triang kum ka kmie, khlem jingpatiw. Tang u kpa uba dang don ka jingtiptem ryngkat ka jingisynei ia ka, Ka hapli ka la hap ban kit khuhrei ei kha makha.

Ka jinglehraiñ, ryngkat ka jingdom, jing-sngew-sih, ka la pyningkhong ar shah ia ka

dohnud ba la kad ariang, ryngkat ka jlog-shah-die tad dor ia la ka long rnyieng.

"..... Map ia nga, ngam dei ka 'riew—dakaid," ka iam artad bhuk, "Phrangbor, phi la klet ia ki juban ba phi la khlei Phi la pynngat ia nga ha ka shang khawiah jong ka jingjynjar, to ieh kam pher nga kaba sniew nusib . . . kupar nga hap ban shu kit khunrei ei kha makha," ka da iam artad sluk-shi sluk. "Mynba nga dang ia laid ia ieng bad phi, phi khroh phi pab ia nga da ki 'tien jali jaum ryngkat ki jingkular bathiang suda, nga ka 'riew kynthei batlot ba tang shi buit shibor ngan shan aiu hakmat jong jongphi u 'rang khadar buit khadar bor. Phi dang kymaw ia kine ki ktien ba phi la khlei, hanga? Kada phai artad sha u. SHANIAH HA NGA BAIEID, KUMBA NGA IEID IA PHI, NGAN SA PYNDEP IA KI KULAR, LYMKUMTA KA PAP KA SANG KAN LYNGSHOP HA KA JINGIM JONG-NGA.... "

Jarjar u sngap, um kren eiei, u dem ngun ka khlieh ha ki khobsiew la jong, hangta ka Wanrita ka la kiew jingdom arshah, khlem da pyntud, ka tim ka tla ryngkat ka sin ka rngop, ka khoi ka khleng ia u ha ban da suwan hi jrut. U Sumarlang, u la sngewleh-rain rangbah, ia ka jingtim ka 'riew kynthei, u la mihi blait na la ing ban leit laid kai noh, hynrei kine arngut shi-khun shi-kmie kim patiauw eiei, ki shu sngap kyrtlup man-man. .

"Men kam khun ne em, la shai yn-
da nga....kha"? La kumba kan kyorup ia u.

"Ngan nnnn . . . kam," Jubab mynthi
u Phrangbor.

"Te phi pat haba phi la tip ba ia u
draibar ruh phi da bie j bad lapmat" Byn;
rap biang ka kmie.

"U draibar ? . . . u draibar? um dei u
briew ? Nga leit kyrshut ma nga ne, U pah u
khroh ma u." Kren dom ka Wanrita. "Da kyn-
maw mo Phrangbor, wei ba phi la lehbein
leh - jot ia ka kur ka jait jong kiwei, kham
fiar ba phin lait na ka raibi ka ban wan hiar
ha ka jait ka kur kynthei jongphi." Ka da
byrthen ia ia id noh artad.

Ka por ka ia id . . sted, ki sekhn sha ki
minit, ki minit sha ki kynta bad ki sngi ter-
ter. Ka por ka la dei, ka Wanrita ka la dap
pura la ka sngi u bnai, ka la kha - suk kha-
sein ia la i khyllung ba ka la pun, da u khun
shynrang. Katno ka jingphuhmut phuhmat
kiba ha ing ba sem jongka, nator ba ka kha-
suk kha - bha, ka da kha artad da u khun shyn-
rang bha briew lymphuiñ bad u shait u khlaifi
bha mlen. Ha ka sngi kaba bud, la jer kyr-
teng ia u, ryngkat ka suit ka shor, ka kmen
ka sngewbha, da u Aibor lang. Katba ki sngi
ki ia ki dang ia id, u ruh u la nangheh nangsan
hapdeng ka jingsumar suher ka kmie jong u. .

Ka aiom ot u Nongrep ka la poi, dei ha kane ka por ba u Nongrep u kmen u sngew-bha eh ryngkat ka jingphuhmut phuhmat ban dup kheit noh ia la ki symbai ba la pynlut sngi ha ka jingim jongu, ha kaba sumar bad sharai ia ki. Pynban ka long da khongpong ia u nongrep bapli, la jia ka 'nemsniw, ia ki soh ki symbai jong u la bam duh lut khoit da ki kruiñ bad ki 'niang bam-pong, haduh ba u Nongrep u la hiran tyrkhong khaib bad um lah shuh ban pyndap ia ka tbiar bah kumba u ju kynshew ha kiwei pat ki aiom. Ha kane ka por, ka jingkyrduh ka la sdang lynshop ia ka ing, ka sem ka Sitalin bad U Phrangbor. Ki la thaw lad katba kot la ka buit ka bor ban lait na ka jingbylla sngi kyn-doi ja kpoh. Hynrei kim da khuslai than, U khun jongki, u Phranghor, u ju iarap bad ai baisiew baitda ia ki man ka taiew.

Ka jingduh ka rep ka riang, bad ka laid ka brut kynthei U Phrangbor ka la pynsng-ewsih ia ka dohnud ba-luilui jong U Kpa, ka jingphuh jingphieng ka fog ka sem jongki, mynta ka la liap rong sui, Ka kmie ruh ka la pyrshang bad thaw lad ban trei noh da kawei ka jingtrei, Kala ngiah ia ka rep ka riang, ka bym ai jingmyntoi bad shu tlor ei la ka bor ka sor.

Dei ha ka miet tlang kaba khriat bad dum ionngit bha, Ka 'er tlang bakhriat ka kawiat tynggeh ia ki ing briew, la kumba kin;

kyllon noh, ka ding-sharak ba tbeh ba dpei ka thaba shane shatai kumba kan liap noh namar bajur eh ka Lyei. Kine baroh saw ngut ki ia don lang khruai ba ing, ki ker saw dong ia ka lyngwiar dpei barhem ban dup syaid ba ka jingkhriat ka miet tlang. Ki ia kren ia khana ia ka kam ka duk jong ka ing ka sem, ki pynpaw ruh ia ka jingdiaw sngewsih ba ka jingbymseisoh shuh ka rep ka riang. Kumne baroh shi ing khruai, ki ia kren ia khana bad ki thaw ka lad ka lynti ban lait na ka jingjynjar bad jingshitom baroh.

“Mei—Papa” la ong U Phrangbor, “Nga imat ka rep ka riang mynta kam thikna shuh”, u da leh rangbah artad. “Te ka lad kaba kham bha eh iangi ka dei ban shu die du-kan (Ka Ja - Ka Sha) noh.” La plie lad U Phrangbor. “Ne phi ia sngew kumno?” U pynkut artad.

“Hooi, dei kata kein khun kaba nga ruh nga angnud eh.” Kubur ka kmie kaba la doa jingmut lypa naduh mynshuwa. “Ne phi pat kpa?”

Nga ruh nga sngewdei bad sngew lahap ia ka jing ong jong phi kein, kmie U Phrangbor” Mynjur U ‘Men-Kpa.’ tip shano sha ei pat ngin ia leit wad dukan?”.

“Em Papa, ia ka dukan ngan kit ngan, bah khlich ma-nga.” Jubab U Phrangbor”

ngan sa wad ma nga. Namar nga iohsngew, ba don kiba ialap khana ba ka don kawei ka dukan ban aiwai, ha Umtrew. Ka baiwai ka long sanspah tyngka shibnai." U la iathuh.

Hangta lei ka Kmie ka la kmen arshah, La kyndeh kynsan tik-shi-tik u Klongsnam da ka jingkmien. Namar ka da kwah eh dik dik ban ioh die-ja die-sha kito ki thain.

"Hato. Ka khambha ban shna syndon da ka dukan la jong pynban, ne, kpa ? lada ioh jaka."

"Em phi" Kynteit u 'Menkpa. "Kat nang-ne shaduh shathie ngin ia leit shna dukan, te phi? Ka dieng ka siej ruh shano. ngin ia kit iabah."

"To, kata ngin shu iawai noh" la ong pynsted ka kmie.

"Ki sah ha-ei, Bah, kita ki trai dukan?" Kylli ka Sukritin.

"Oh shisha, ngam pat kylli thikna phi hep na kito ki paralok, ap. . . . mo, ngan da kylli."

"Ade-l lah da dap shiphew baje du kmie" ong pynsted u 'Menkpa, katba u dang peit baje.

"Em kata te, ia noh. thiah noh, ioh ba ym lah khie thiah shuh la-shai ka step." La ong sa ka 'men kmie.

"Hooið keiñ, shu dei ka miet-tlang kaba jrong phi Mei Mei. Papa, ban da dei ka miet-lyiur te." ong ia ieng ryngkat U Phrangbor bad ka Sukrilin, ki da ia khreh ban leit thiah noh artad.

"Khie-khie Khun, pynbhan noh da ka byrni sa lai tylli na jrong ka nep jongngi, namar ba sngew khriat palat mynta ka miet." Hukum U Kpa ia la ka Khun.

Ynda haba ka Sukrilin ka la dep pynbiang lut nadong shadong, baroh ki la ia leit thiah noh.

Ka miet- tlang kaba khriat, ka la shai kdar. Ka sngi ka la sdang ban ai jingshai ia ka mariang. Ka Pyrthei ka mariang ka lieh shaid da ka jingtap u thah barben, ki phlang ki kynbat, ki dieng ki siej wat ki tnum-ing briew ruh ki lieh shaid da u thah suda.

Hapdeng ka jingkhriat jong ka step tlang Kine baroh saw ngut ki la khie dang step na ba thiah, ban dup leit la ka kam ka duk.

Ka por ka mareh stet na kawei ka aiom sha kawei pat. Ka jingangnud jongki ka la pynhun jrut ia ka dohnud ba sliang jongki, ba ki la ioh lad bah die ja die sha ha Um-trew, harud ka surok bah N. H. 44.

Ka kmie bad la ka khun kynthel jongka, ka Sukrilin, ki la ia bun kam bha ba ka kam-jongki kaba iaid shaid-shi-shaid man ka sngi

khlem don jingsangheh, artad ba bun eh ki nongbam nongdih. U Kpa pat ha la shnong u peit ia ka jingri jingdup, u rep ki jhur ki jhep ba bunjait, um ju shong-thait, hynrei tang shisien shi taiew, kata; ha ka Sngi Saitjain, kaba u ju leit ia kynduh man ka taiew ia la ka kmje bad ka khun sha dukan-Umtrew, bad u wan phaj pat ha ka Sngi-Nyngkong, ban peit ia ka kam ka duk ha ing ha sem. Kumne ka iaid ka kam jongki man ka sngi. Mynta kim don jingklusai shuh, ka kam ka jam, ka kamai ka jih ka lasdang iaid beit iaid ryntih. Na ka liang ka dukan, ka jing-foh-nong kam long kaba kai. Na ka rep ka riang, ki jingri jingdup ruh ka bym kai shuh ban ianujor bad kito ki snem kiba la dep.

Kumne ka iingim jongki ka iaid man ka sngi, ha kawei ka liang. Ki dap da ka jingsngewblaw bad ki da tmang ban sah jngai iwei na iwei pat. Hynrei kita baroh ki jingsngew kijah na ki katba ki dang wad la ka lad ka lynti ban pyndap pynbiang la ka ja ka dohkha ha ing ha sem.

Tang mar ia dap kumba shi snem ei ei, ka dukan jong ia ka la khapngiah da ki draibar suda, la jan baroh ki draibar trok ka National High - Way 44. Ki iabam iadih na ka dukan jong ka Sitalin. Mynta lei ki la die sa ka kyiad ruh, ka jingthnem iew ka dukan jongki, ka long haduh ba ym don thylliej briew shuh ba lah ban batai. U ba dih sha uto, uba

bam ja ruh uto bad uba dih buaid, ruh uto hi.
 Wat la ka jaka ieng kali hangta ka long ka-
 ba khap-ngiah, hynrei ki draibar ki ia phoieng
 katba lah ban dup ioh jaka ieng hangta,

Ka Sukrilin ka la sdang khie samla-lud,
 ka la dap khat-hynriew snem ka rta. Kumba
 long lem ki thei-samla ba die sha ha surok
 bah N.H.44. Kumta ka long ia ka ruh, ban
 ban bud bad pyniaryngkat ialade bad ka jing-
 im jongki. Mynta ka la sdang ban iohi la ki
 khmat, ia kaba kam pat ju iohi mynno myn-
 no ruh. Ki jingpyrkhat ba harukom ki sdang
 pasiaw ha ka jingim jongka. Ki khmat ki
 shad bad ki thaba kat ia kaba ka la iohi ne
 ia kyndub.

Ka samla-lud ba sotti nylla, ba dang shu
 khyllie na u prah, ka khring ia ka bor pyrkhat
 jong ki 'rangsamla ban iapbiej bad ibha samla ia
 ka. La jan baroh ki rang samla, ki leh mynleh
 kumba ki da kwah ja kwah sha shisha, hyn-
 rei ha ka dohnud pat ki thmu ban ioh byr-
 sia samla bad ka, ban ia thew tara-jur katba
 ka man kam pat noh shiliang. Kumne ka laid
 ka jingim ba sngewbha jong ka Sukrilin, kham-
 tam lei ia ka kmie, ba ka la lah die palat

U Kpa ka Sukrilin, bunsien u la khang
 ia ka bad ia la ka 'Menkmie ban nym die kyiad,
 hynrei umman lah setia. Bunsien u ju lohi da
 ki jong ki khmat, haba ki nongbam nongdih
 ki la ia shong-shit-buaid, bun na-ki ki sdang

ban kren ka 'tien khlem akor bad ki da ktah bad leh buit-'ti artad ia ka Sukrilin, haduh ba la pait arliang ka dohnud bashongsuk jong u la kumba dung u 'nam sarang.

"Kmie U Phrangbor". La ong u menkpa ha kawei ka janmiet ha kaba ia don tang baroh laingut. "Ngam sngewtynnad keifi ban lap bad ban iohi iaphi kumne, man kaba nga wan nga shem ba, bun tang ki nongbuaid suda, hato phi sngewtynnad seh ban ia longkumne? Namar ha kaba myn-nyngkong phi ia kular ban nym die kyiad."

"Tip .. seh Kpa," jubab ka Menkmie. "Haba nga iohi ba, baroh kiba bun ki ia die kyiad."

"Ta rhin shu pynbud noh ia ka jingleh jong kiwei, phi sngewdei hi, ne phi mut kumno?"

"Hooiid Kpa, ka dei ka jingong jongphi," jubab bynñiaw ka men - kmie, kada trud artad ia la ka kblieh." hynrei nga pat nga shem ba; lada ym die kyiad, ki nongbam ruh ki khyndiat."

"Ka mat iadep seh . . . Kmie." Bteng biang U Kpa, "Balei phin khuslai ia Kata, . . . ieh ka mat ia shong daitthah noh ka dukan ruh tangba yn nym don nongdih. Namar ka Sukrilin ka la sdang, samla, lada leh thadrong leh thadlyngkar sa ngi ki Kmie ki Kpa lei lei te . . . ne phi ong kumno?" U pynkut 'artad.

"Hooid Kpa . . . kata kaba dei", Mynjur ka 'Men - Kmie,

"Peit shane khun . . . , " U phai pat sa sha Ka Sukrilin.

"Mynta ba phi la sdang san sdang samla phim dei ban tam sneng ia ngi ki Kmie ki Kpa. Phim pat dei hi ruh ban jam sha uta u pud ban ialang samla. Phi sngew ne em Khun?" U pynkut artad.

"Hooid, Papa," Kala jubab . . . ngam pat ju mlien ban ia lang samla" la kumba kan iam noh.

"Kata kein khun, ba I Pa ruh i dang sneng dang pyni ia phi ba phim pat dei ka por." Bynrap sa ka Kmie.

"Phi i khun, ngi sneng ngi pyni iaphi, khong ba ka jing bha kan long iaphi hi, ba phin lait na ka shangkhawiah jong ka jing jynjar bad jingbabe." Pynkut U Kpa, bad ki da ia leit thiah noh artad,

Ki sngi ki ia ki kynjat stet haduh katta katta. Ka jingmlien jong ki ba ki mlien ban die kyiad, bad ka jingkwah spah jynka Kmie, kim lah satia ban pynduh ia ka. Ki kam ki jam ki iaid bad long kumba long mynshuwa. Kane baroh ka la pynsngewsih ia u Kpa bapli La, u pyni katno katno ruh hynrei ym myntoi, jei ei, haduh ba u la jngai na ki, bad

um ju leit mih thikna shuh sha kl, sha Um-trew.

Mynta lei, ka jingshongshit ka dukan jong ki, ka la kham palat ban ia kaba long, mynshuwa. Phra top shi sngi shi mlet ki dang lut ban die kiad. Ka Kmie jong ka Sukrilin ka ju shim kyiad na ka nongshet pata kaba khlain bha ha Sohiong, ia kaba la ju tip ia ka, ka Kongdeng. Shi jip shitaiew ki dang lah ban supply kyiad.

Ki nongbam nongdih, lai byllai kt ker sawdong ia ka miej, ki da order artad ia la ki jong ki jong ki jingbam, U wei theh sha shi pela. U wei pat ai shiteng kumta ter tet Ka Sitalin ka shem ba, la bua than ki nongbam nongdih, kam lah shuh ban pynkhreh ia ka jingdawa jongki tang baron shikhun shi Kmie. Kumta ka la wad nongtrei noh, ban kham suk ka kam ka jam.

"Theh sha kong, ar pela." La ong uwei u draibar, tang mar ia rung.

Ar pela ka sha, ka Sukrilin ka la wanrah. "Iano pat kawei?" "Ka la kylli ia u, katba ka dang ai ia u ka sha shi pela, shi pela pat ka bat ha ka kti.

"Ia u tai," jubab uta u draibar bad uda kdew artad sha u khynnah bandimen uba shong ha kyndong.

"Sha lieh, phim ju treh seh?" Kylli ia-wiat ka Sukrilin bad ka da phai artad ban leit ai sha ia u ta u khyonah handimen.

"Kaei, Kong?" Bynrap sa uta u draibar.

"Sha lieh." Ka jubab pynran artad la u ryndang.

"Em, ngam ju mlien," u kyrngah kblich artad.

"Yn lei phi, teng teng." Sngew kumba kan mad lem ia lade ruh.

"Em Kong - Em Kong." U jubab pyn-kloi.

Ka Sukrilin ruh ka mih noh bad ka leit rung noh sha jingbuhum.

Ha Beltola - Guwahati, katba ki dai ki dang pynhiar ia u dewiong na ka kali jong u, marwei u kban u bishar ia ki kyntien jong ka." Are plengl ngam pat ju tip, tang mynne nga da leit rung dih sha nangto... ka samla jyllud skujñ met aiu kum kato eh ngam pat ju lap," U iania wei briew marwei marwei. Tang mar iadep uo - load, u pynsuh wia ia ka kali na Beltola shaphang Khanapara ban wan sha Umtrew. Ia uta u draibar, ki ju sin da u Singh.

Bun na ki rangsamla, ki la ia pyrshang

ban iathew tara jur bad ka, hynrei ka man
jong ka kam pat noh shiliang shano shano
ruh

Shiphew baje mynmiet, u la poi tlap ha
Umtrew. Mar ia rnyieng la ka kali, u hiar
pynsted jurp bad u rung beit sak shapoh du-
kan ka Sukrilin. Khrui - rui - rui ki nongbam
nongdih hangta. ki da ia said artad la ki jong ki
jong ki nia.

"Aiu Bah ?" Kylli ka Sukrilin ia u, tang
mar ia shong hangta.

"Khat da ka ja, ar pliang." U kdew ar-
tad sha u khynnah handimer.

"Phi la wan....trip....ne ?" Ka la kylli ia
u, katba ka dang buh ia ka ja halor miej
ba shong ma u.

"Hooiid." U kner artad la ki kti ban shim
ia ka pliang ja.

"Phi pat..... ?" Ukylli iawiat lem ia ka.

"Ngi kumne hi te, ban mih shano shano
ruh ym ju lait por."

Ka shong artad bhek halor ka ben kaba
dan mar pyrshah bad u.

"Shuh phi ka kam aiu kata haduh
bym lait kti lait kjat shuh, sbu ong pyn-
ban ba, 'ngam sngew mon". U said artad ia
la ki kti ha ka dabor.

"Wa : ...! phi uba kren kai pynban, balei ngam mon? phim iohi ... katne ki nongbam nongdih?" Ka kdew artad ia ki nongbam nongdih kiba ia shong khrui-rui-rui hangta.

"Te, haba don ka mon, ka lynti ka don", u la sdang ai ksai, "Wa I Lin," kynhied ka nongtrei ia ka Sukrilin.

"Shongkai ia beh nia pynban. Phim i ki kam katne bai-ly-hai." Ka da sam ja sam sha artad ia ki nongbam. "Ki tiar jakhia-ruh la dap mam shi dabor.

"Peit, phim i ?" Ka phai artad sha u ta u draibar. "Lait por tang khyndiat ruh." Ka ia song kwai artad iau. "Khie, ... khie, ... sait maphi kito ki tiar, ngan sa peit manga hangne," Ka kynto kyliang ia ka nongtrei

"Ia phi ki ju khot ... I Lin ... ne?" u la kwah tip! "Hooiid," ka jubab ia pyn-dem 'niuhamat artad

"Ia phi pat?" Ka la kylli lem.

"Ia nga ? ... U Singh," U la iatbuh nang ta u bteng, "Lin, ka jong ngi katno?" U sei artad ia ka lut shispah na ka 'la - kud.

"Balei, kyrkieh seh?"

"Hooiid kein ... ngin hap leit load lypa noh mynta ka miet."

"Shano?" kada goit shain artad sha u.

"Sha ---- Bapung," u la jubab.

"To kata.....," ka ieng joit nangta bad ka da leit tur sha ka kmie kaba dang khat ja

"Ka jong...., I.... toi.... I Bah katno... Mei?" Ka da kdew artad sha U Singh;

"Ka jong ki?" ka dang kheifi artad, shi-phang ka sngap nangta ka bteng. "..... tang sanphew ar tyangka 52/-". Ka la iathuh.

Tang mar iadep siew ia ka baibam: u ruh u la mih noh nangta, ban leit la ka jingit. U pynsub wia kum u khnam ia ka Kali. Katba ka kali ka dang march. U tem ia ka tape..... kali da ka Kaset jingrwai jong U Shakin Steven (Because I love you). Uda kynud kohnguh khlieh artad katba u dang pynbud ia ka rymth jong ka Music.

"La jan baroh..... ki samla die sha, ki don la u jong u paralok,.....nga..... pat..... balei ngam don?" Ka jingkwahbrai ka la kynroi ha ka dohnud jong ka.

Mynta ka dei sa ka pali jong U Singh, hangoo don ka pung bag pashat ia u khwai ba la suh wich.

"Ka Thei samla die sha,
 Ba bhabriew sotti - nylla
 Ha National High way
 I've ever seen every day."

U Kynud marwei marwei, katba u dang pyr-
 khat puson bad mut - dur ia ka rynieng
 ryniot ba dap doh jong ka.

Ha ka pung ba jylliew tam, ka dohnud
 jong ka Sukrilin ka jngi. Hapoh ka Aiom
 Kejar Aiom Rupa jong ka ri ba ithiang tam
 ka per ka jingim jong ka. Ka jinglynga ha
 ka jing longdoh, ryngkat ka jingkynshoit bad
 ka jingkhoh phaloh ki iaid ryngkat bad ka
 jingim jongka.

Ka rynieng ba dap doh ryngkat ka dur
 ba bhabriew, ki la nangih katba dang iaid ki
 sngi.

Ka sngi jong ka jinglongsamla jong ka
 Sukrilin, ka her sted na kawei ka aiom sha
 kawei pat, na u wei u snem sha uwei pat
 Hapdeng ka jingbymtip mano mano ruh. Ka
 Sukrilin bad u Singh, Ki la iateb sai iong sai
 -saw ia ka jingieit ba nylla jong ki ban ym ia
 iehnoh iwei ia iwei pat. Katba dang iaid ki
 sngi ka ia, ki la nang jan iwei ia iwei bad ki
 ju leit bam lyer pynggad la jan man ka ta-
 iew sha lum sha wah. Bun na ki drajbar, kim
 tip ba ka la dei ka samla jong u Singh,
 ki kren kai kren samla bad kida kyli ia
 tyrwa ruh artad.

Ha miet Pyrem kaba sayaid bha, ki khlu
 ki khiih khrip khrip ha sahit - bneng, ka dur
 ba bhabriew, u 'nai khadsaw synnia ka, ai
 jingshai ia ka pyrthei ba, dum long - ngit.
 Ha kata ka por, u Sumarlang, u taga ka
 Sitalin u don ryngkat bangta, baroh lai ngut,
 u da sneng da kraw artad la la ka khun.

"peit . . . Khun," U phai artad sha ka
 Sukrilin, da ka mynsiem kaba idiaw, "Mynta
 ba phi la jam sha u pud jingialang samla bun
 sien nga la seng nga la pyni iaphi, ba phin
 lait na ka jingbabe bad jingeh ba buo jait. Kan
 ang ba ka jingbba kan long ia phi hi, hynrei
 phi leh bym salia, phi khein 'dew thala, phi
 pyn long aiut maw khlem suhthied bad phi pyn
 man mulot pynbaa iaki. Da pyrkhut bna mo
 khun, wat sngew sarong mo ha ka jingphuh u
 tiaw - eit. Da peit shwa ba phin ryngkoh bad
 shuwa ba u 'tiaw - lili ka jingim jongphi un
 jlop bad tlor noh." Nangta u phai pat sa
 sha ka kmie.

"..... Nga la' ngiah nga' la thait
 baa shu kren ia ka juh shi kajuh. Hynrei
 mynta ia sngapthuh hi katba phi ia sngewbit."
 U pynkut artad.

"Ka, Er Synrai ka beh jem jai, ki kba
 ba la ih ki saw huih ha ki pyntha kba
 ryngkat ka shad ka kohnguh khlieh ha ka jing-
 beh ka Iyer Synrai ba pyogngad hir hir. Ki
 lyongdkhur shijur shijur ki kyoud sngewba ha

Ki' nad' dieng'keh ba pyiar, ki phlang' ki kyn-
 bad, ki syntiew ki skud ba' huh' byllien' ki shad
 ki kynting' talade ha ka jingbeh ka lyer ba
 iw'bih' s'hsien'g. Hapdeng jong ki, ka Sukrilin
 bad u Singh ki jied ia' ka jaka ban ia sei ia
 ki 'tien' ieit markylliang.

Syaid hur ka mynsiem jong u Singh, ban
 iohi ia' ka dur ba' bhabriew bad ia ka met ba
 dapdot jongka.

"... Katta baieid ba nga la rai, ngan
 bynda la ka jingim. Ngeit' skhem ba ki Ma-
 kashang kin madan, ki luh' bafar kin dap
 bad ki um saw kin r'ngat, namar jongphi."
 Pynkut u Singh, u' da kdup artad ia ka.

"Singh." la ong ka Sukrim, ryngkat ki
 khmat ba ia ringtlot. "Phi long ka Paradais
 jongnga, haphi nga shem ia ka bneng. Kum-
 ba phi la ieit ianga, nga ruh ngan ieid iaphi
 haduh kaba kut."

"Lin... Shaniah hanga baieid * u
 khlem pynkut, ka la knieh ktien noh.

"Nga long u koidi ka jingieid jongphi. Tang-
 ba peit ho baieid ioh phin pynlong ta nga ka du-
 jok ba ngan thang junom ialade.

"Em Lin... kumba nga ieid iaphi ngan sa
 pyndep iaki kular baroh." La pynskhem u Singh.

Ka sngi ka la fan sep, shwa ba kati buh-
 rich, noh ialade sha krem. 'lamet' 'latang. ka
 dohieid ia ka lawlynnong ba ia phylliew jing-

mut kine shijur. Ha pneh ka jingphohsniew,
 ka Sukrilin ka jonthiah lyngngai. Ki khmat
 ki shad balong bad ki ringtlot, ki shyntur ki
 ringtyrkhong khlem mih jingsawa shuh. Ka
 met ka khluut bad kyuh. Ki jingmut jing-
 pyrkhat ba lai phewjait ki ia kynroi ba ka
 dohnud jongka. Ki jingsngew ki bym pat ju
 iohsngew ryngkat bad ka jingkwah brai jong-
 ka met, ki wan kynshoit haka dohnud jongka.

"Haba nga ieid ia u, ngan kohnguh iaka
 hukum jongu ... bad ... arti ... lym kum-
 ta ngan pynsngewsih ia u." Ka mon jongka
 ka dem shata.

Ka bneng ka la dum bad ka miet ruh
 ka la poi. Ki sim ki her krad sha la skom.
 Ki dohkha ha la ki pung basngur. Ki mrad
 khlaw sha la ki krem ba ki la shaa. U Nong-
 rep ha la i jong i trep, u ker tawiar sawdong
 iaka lyngwiar opei ba rhem.

Sha ka ri ba kam ju poi mynno mynno
 ruh, hangta ka Sukrilin ka thiah lyngngai. Ka
 por ka la miet, la dap phra baje. Ka Pyr-
 thei badum iong-ngit ka la sdang ban kynjat
 jingshai. Ki khmat ba khap-rip ki sdang peit
 mat. Ka jingkhluut jongka met, ka sdang kem
 khriat. Ka shyntur ba la khang mynta ka la plie.

Ka por ka mareh sted na ka wei ka aiom
 sha kiwei pat. Ka Pyrem ka kylla Lyiur,
 Synrai - Tlang bad kumta ter ter. Ka shnong
 ka thaw, ka la khywin bad phriang diar da

kata ka khubor, ba'ka Sukrilin ka la pomdaw shano ka pyrthei sngi yn leit wad syrngiew ia u Singh. Kham suk ban wad ia iwei i symbai tyrso hapdeng lawbah ban ia kaba wad ia u.

Dei ha kum kane ka por ba ki tymmen ki ju ong ba ka dei ka AIOM JONG KA UMSAW' bad ka 'ERLANGTHARI.' Ha kum kane ka por, lada ki kmie ki kpa kim lah ban teh la-kam bha ia la ki jong ki khun, bun na ki 'rang ne theisamla ki bakla noh ia la ka lynti iaid bad poi sha ka jynjar ka lanot, sha ka jot ka pei syndonthiaw bad shu kylla 'thei iap-saw ei-kha makha Haba la jia kumta, hano yn bynshet ia la ka pop? Ka por ka la dier bad ia ki ym lah shuh ban leh eiei.

U dieng lathi u tangon ngak ia ka dohnud jong ka Kmie. La kyndeh kynsan u klongsnam da ka jingkyndit, la kumba tied u pyrthat rkhiang.

"Ko longkmie, ba kyllut- matlah, pha iohi aju mynta ka jia? Wei shisien ba pha la bud-dien ia ka jingjot, ka jingjot hi kam ju kyntait ia kiba buddien iaka." Ong u Kpa ryngkat ka jingbitar.

Ka jingialang-samla jong ka Sukrilin ym dei eh ban ong, ba; ka kwah ban sbimti bad ban kit ia ka lyngkor jinglong tymmen ba ka dei ban kit, hynrei ka jingkwah brai ka teh. Kam don dor eiei shuh ia ka dur bha-

briew, ba la kylla 'thei iapsaw. Mynta Ief ka riam ka beit ka la sdang kylla, bad iapher na ka jinglong ba mynshuwa. Ki jain ki nep dad ki jingtab -khmat ba har rukom ban pyn-iapmat ia ki 'rangsamla.

Ka dukan jongki, ka long kumba ju long khlem don jingkylla eiei ruh em. Ki nongbam nongdih ki iarung iamih bi kumto kumba mynshuwa:

"Kong... ai shi quarter..." ong u wei u draibar tang mar iarung.

"Kaei - Bah ? kylli ka Sitalin.

"Bak Paper..." u shong artad ha ka ben.

"Khie Lin... pyntheh." kynto ka kmie ia ka khun.

Ynda ka Sukrilin ka la dep buh ia ka kyiad (Bak Paper) ha ka miej jong u, ka la kylli ia u, "Nangta... jingtab aiu?"

"Don... aiu ? jubab iawiat uta u draibai.

"Don lut nadong shadong. Jubab bym salia ka Sukrilin.

"Kawei na ki..." La kynthah ma u.

"Lym kumta... dih da ka kyiad suda.? kada rkhie iawiat artad shdei.

"Khat-ka dohsniang saw tyngka" la ong
uta u draibar.

"Saw tyngka. . . ?" ka peit shain artad sha u.

"Hooïd." u jubab.

Ynda ka Sukrilin ka la wan rap ia kata
ka jingtah, katha ka dang buh ia ka halor
ka miej jongu, u la kylli ia-ka. "Oh, u
Singh pat shaei ?

Heu !!! ... u Singh !!! ... u Singh
aiu uta ?" Ka la saw kyrang ki ngab ryng-
kat ka jinglehraiñ. "Ngam tip ia uta u Singh."
Ka la darap jot iala ka jingjot.

"Phim dei seh maphi ... ka tnga jongu?"
Bynrap uta u draibar.

"Ka tnga jongu ... ? Mano ... ? Ma-
nga ? Ka nguh shapoh ryngkat ki ngab ba
la kiew saw da ka jinglehraiñ, ka rung ar-
tad sha jingbuhum ban buh ia ki tiar ba la
dep bam ki nongbam.

Shiphang ka jah jar, nangta ka wanmih
biang." Em phi ... u Singh u khlem shong ... ;
Nga la ia pyllait san shyieng na u." Ka da
pyndem artad ia laki 'niuh -mat.

" Balei?"

" Bym suk I Mei." Ka la tap eit miaw.

Uta u. drahar u dei u Bantei. U-la' dep tip lypa ia ki jingshisha baroh, hyarej u shu ban twad jingmut naka, namar e ia ithuh bha bad ka.

"Balei mo ba fa suk?" U ong artad kroid sa shisynang.

"Shuh ... phi!!! shu khyllie ia kaba la dep." Ka ieng artad nangta ban lum ia ki tiar bam, ka da tan pynbeit artad ia ka skirt ba tide, ba ka phong.

"Em ... ym dei, kumta nga shu kwah ban tip." Ban biang u Bantei.

"Sa ia kaci de phi kwah ban tip ha ba nga la dep iathuh haphi naduh mypne." Ka phai artad sha u bad la ki tiar ha kti.

"Hato kata lah ban long kaba shisha."

"Wa !! Balei phi artatien." Ka rung artad sha ka kamra shet jingshet.

Ka por kam shah shuh ia u ban la bytngla slem hangta, namarba u hap ban leit load dewiong neh sha Bapung. Wat ia u dang kwah ban ia shongkai bad ka, hyarej um banse ban ieng neh dangta.

"Kong ka jongoga katno?" U kyli ia ieng artad.

“Ka jongphi?” Kylli kylla ka Sitalin.

“Hooïd” Jubab u Bantei katba u dang sei ia ki pisa ban siew ia ka bai bam.

“Saw -phewphra.” La iathuh ka Sitalin.

“Balei phin leit noh seh?” Kylli ka Sukrilin. “Ka kali patshaei?” Ka kner artad ia ki kti ban shim ia ki pisa na u.

“Hooïd ngan leit noh, ka kali nga phah check up hangtai namar ba la kylluid palat ka shut nut.” U da kdew artad snaphang badon ka jaka ssha kali. “Mo kata,” u mih noh artad.

“Ho-oid khie” jubab ka Sukrilin.

Ynda hadien shisnem, ka Sukrilin ka la kham itynnad arshah ban ia kaba ka long mynshwa. La jop maka pynban ban ia ki ‘thei sotti nylla. Namar ka la tip lut nadong shadong kumno ban leh. Bunsien na ki draibar kiba ju mlien kren kai ia ka, ki ju ong. “Phi kham bha-briew mynta ban ia kaba mynshwa.”

Bun na ki ‘thei samla jongngi, shisien ba ki la jot, hapdeng ka jingshongsbit bad ka jingkhuit jong ka met ki shah jop syndon thiaw ha ka jingim jongki. Wei shisien ba u ‘tiewlili u la tlör dei hangta keiñ ba ka jingim jongu kan iai bteng na kawei ka por sha kawei pat.

U snem thymmai u la jan poi. Dei ha kane ka por ba u Bantei u la iawer sngewbha ia ka Sukrilin ban leit-kai bad u ha ka New Year 'day, ban rakhe pyndon burom ia katei ka sngi. U snem Thymmai Basuk da kaba ia leit bam khana bad u. Ka ruh da ka mon sngewbha ba lait-luid, kala kular ban leit.

Ka sngi New Year (1st. January -1992) kala poi. U Bantei u la wan shaw ia ka Sukrilin na dukan jongka ha ka por phra baje mynstep da ka truck jong u. La phuh shyeng ka kali jongu., da ki jingpynriam bym ithuh ithaw shuh. Mar iawan mau, ka ruh ka la mih na dukan namar ka la ready lypa. Syiad hur ka mynsiem jong u tang mar iohi ia-ka lyngba ka side glass. Ka phong da ka juti lieh bajrong khongdong, jainsem pat da ka rong saw, sweter kaba lieh bad la ka bek ha ka tyrpeng. U shñiuh ka pyllait rymphum shadien khlem teh ryngkat i shyntur ba la kylan saw da u lip stuck Tang mar ia kiew ha ka kali, ka la rah kti ia la ka kmie bad ia la ki paralok kiba dang fengkai ban lorni ia ka ha baranda. "BYE-HAPPY NEW YEAR".

Tang mar ia kut kitei ki ktien ba ka la kren, wut ka kali ka la suh kum u khnam shaphang Shillong. Na Shillong shaphang Mawngap -Mawpblang ban leit peit-kai ia ka Umjumbuin Cave kaba ha Mawsynram.

Katba ka kali ka dang mareh, ka jing-

sngewbha jong kine arngut ka long haduh ba ym don thylliej briew shuh ba lah ban batai. Ka jingsawa jong ka Tape Kali dhum-shi-dhum da ki (Cassette) jingrwai ki bym ithub ithaw shuh. Katba ka rymth jong ka Music ka dang-jaid, kine arngut la ka shad ka kohnguh khlieh ban pynbud ia ka sur jing-rwai.

Ki poi tiap ha Mawsynram ha ka por 10.30 mynstep. Ha kata ka sngi, ka Krem Umjymbuiñ ka khapngiah bha namar ba bun palat eh ki nongpeit kai. U dkbar ruh uto, u khasi ruh uto bi haduh bym ithub ithaw shuh, ki da iarah mar mar shijur la ki jong ki party. Hangta, la ia khleh milai sorki ym ithub ithaw shuh namar ba la shoh u khawiang bad kynthei bad shynrang ryngkat ka shad ka kohnguh lyngngeh la ka khlieh ba la jawsheh.

“Lin phin . mad khyndiat ?” la tyr-wa u Bantei ia ka.

“Em phi, ngam treh.” Ka leh mynleh.

“To phi ... shisien shisnem”. U sei artad shiteng bitor ka ‘lad-saw na ka ‘lakud.

“Ban wat ju pynbor, seh ia ka ‘riew kynthei ruh”.

“Balei ... Lin ... phim ieit seh ianga ? shu mad tang khyndiat kein tang ban pynhun ia ka dohnud jongnga”. U plied ia u bitor bad u ang ia iade shi kroid.

"To kata ... tang ban pynhun iaphi
 am hangne khyndiat. Ka kner artad la ki
 kti Tang mar iadep ang ka peit sha kita ki
 nongshad kiba ia don lang hangta ioh ba kin
 iohi ia ka namar ba ka sngewlebrain.

"Lin wat lebrain seh, um dei tang
 maphi phim i kine ruh." U kdew sha kita
 ki kynthei kiba ia shad lang hangta mar mar
 shi jur. "Baroh ki kynthei ki ia mad lut te,
 khamtam lei ha kane ka sngi New Year".
 u ang biang artad ialade.

Tang mar iadei khawiang, ka jinglebrain
 kam don shuh ha ki. Kim tip shuh ia ka
 buron ka akor, ki sngew ba kata ka jakaka
 la dei lut ka jaka jong ki, Katba ka sur jing-
 rwai ka dangiaid, ki ia shad ia snoh kti ryng-
 kat ka iadoh iadait la kum ki Western aiu re.
 Dei tad ynda ka sngi ka la jan sep, ki samih
 nob nangta ha ka por 4.30 janmiet ban leit
 phai non sha la ki jaka.

Ynda poi ha Shillong, kine ki arngut shi-
 jur ki ialeit peit kai Cinema ha Anjalee Ci-
 nema. Hall, da kaba 8 P. M. Ki paitbah ba
 bun byllien ki ap tiket ha phyllaw, hynrei
 kine arngut pat ki ioh da kaba suk. Katba
 ka phlim ka dang iaaid, kine arngut kim tip
 eiei. Ki poi sha la ka jong ka ri ryngkat ka
 ia phylliew jingieit markylliang, Khlem pat
 lap ba sngewthub, ki sngew tang shiphang
 por hyurei ka phlim ka la wai.

Ka Sor Shillong ka la kynjah jar, ki du-
kan ki la khang khyrdep lut, ym don briew
shuh lait noh tang ki nong-peitkai cinema.
Kine ar-ngut ki kiew joit ha ka kali ba la
pynieng ha phyllaw bad ki mih nangta ha ka
por 11.30 P.M.

Katba ka kali ka dang iaid, kine arngut
ki iaphylliew da ki ktien iait suda rykgkat ka
ia doh iadait haduh ba u Bantei um nud shuh
ban pynsted ia kali, kumta u la hap ban pyn-
suki nob. Shwa ban poi ba Damsite, ka su-
rok kaba hapdeng khlaw, u Bantei u pynieng
ia ka kali.

"Lin nga iait palat - iaphi". u tan artad
ia ka na kti ban hiar shabar.

Hapdeng ka miet badum iongngit, ryng-
kat ka jingkwahbrai kaba wan kynshoit ha ka
met jong ka, Khlem da pyntud ka bud bad
kohnguh ia ka bukum jong u, ym don ba lah
ban khang ia ka mon jongka.

Ka por ka mareh sted, katba ki sngi ki
ia ki dangiaid, ki kam jakhlia jongka Sukri-
lin ruh ki la nangroi ha ka jingim jong ka.
Kum u kulai ba khlem teh lakam, shata ka
mon jongka ka ialeh ban beh. Katba u Kpa
pat u dap tang da ka jingsngewsih bad pait
dohnud haba u phai sha ka jingim jongka, u
shong pyrkhat da kumno ynleh, hynrei baroh
ki long lehpohei. Ka por ka la dier, ia ka
ymlah shuh ba leheiei. Hapdeng ki ummat
khang bad jingsngewsih, u shim ia la ki tiar
ki tar bad u thoh sha la ka Menkmie kumne.

Dated. Lumsiej,
The

Ko Menkmie, balei ba phi long haduh katne? Balei phi da kwah spah haduh katne? Kato ka die jongphi phi la die lang sa ia ka khun ruh. Kato ka spah pyrthei ba phi la ioh, kan sa khyrwait kylla haduh ba phin da poi ha ka jingbabe bad jing-kordit."

Khublei

U Sumarlang.

Ki kyntien, jongu ki la dung ngak ia ka dohnud maw jongka la kumba dung u 'nam sarang. Ki jingpyrkhat bad jingbabe bahar-rukom ryngkat ka jinglehrai ki ia kynroi ha ka dohnud jong ka.

Kumno kan leh, sha-ei kan leit bad hangno kan pynkut ia la ka jingim. Katba ka Sukrilin pat kam don jingpatjaw eiei ruh em, ka iaid ka brut party shane shatai katha mon. Ka jingjah miet jeh iong bad la ka shong truck khlem jingpyrwa.

Ha dukan jongki, kumba ka ju long, hapdeng ki nongbam nongdih ba bun kyrhai wan rung kluk ka Jenita, ka tnga u Bantei. Ryngkat ka jingdom ka tur re re sha ka Sukrilin.

"... dei pha mo kaba ioh ia u lok jong nga?" Ka da mut artad ban kynrup-iaaka. Baroh kiba iadon hangta kila sbu ia ang lyngngoh kum

u biej. "Shuh shuh khun ka ksew ... !!!
kada kyndat artad ia kita ki paidbah kiba don
hangta.

"Balei? Balei? da kren seh !" la ong ka
Sukrilin ryngkat ka jingtieng.

"Kren !!! kren !! kum iapha ka ksew ngan
ap ban ia kren." Ka tur artad. Ban kynrup iaka.

"Em - ! Em Kong ! wat leh kumne, ia-
thuh shwa ia ka daw." La tem ki nongbam nong-
dih, ki da ia bat artad iaka, haba ki iohi ia ka
Sukrilin ba ka la khynñiuh na khlieh haduh kjat.

"Shuh shuh .. khun ka pohjait." Ka ia-
leh artad ban lait na ka jingbat jongki rangbah "
Pha kblem ioh ia u tnga jongnga ?" la kumba
kan kynrup ia ka.

"He ? u tnga jongphi ? ... mano ba ia-
thuh ?", ka la lehraiñ ryngkat ka jingtieng ia la
ka burom ba shah thad bad shah byrogem.

"He !? haw ong em !! ngin ia kylli? pha
khlem ioh shisha ?" Byrngem tyngch ka Jenita.
"Pha nud ban ia smai bad nga mynta hangne?"

Ka Sukrilin kam lait ang shuh. Ka la saw
kyrang ki ngab ryngkat ka jinglehraiñ kaba ym
don thylliej briew shuh ba lah ban batai.

"Te ka bapli ka samla briew kan leh
kumno haba la shet-shukor u rangbah, haba u

ong ba ngam pat don tnga, nga dang sotti.”
Pyndarap jot ka Kmie ia la ka khun.

“Pha lei sngap jar wat pyniashah khun,
ioh ngan phut uto u thylliej.”

Pyndem niuhmat tuiñ ka Kmie ryngkat ka
jinglehraiñ bad ka rung noh artad sha kamra
shet jingshet. Katba kiba iadon hangta pat ki la
shu ia anglyngngoh khlem lait ang. Don napdeng
jong ki kiba la iamih noh nangta ruh, namar
kim kwah ban sngap lorni hangta.

“Pha la duh tnga eh ? Pha tuh ia u lok jong
kiwei. Shuh shuh ngan ot ia kato ka khmut”

Kada ialeh artad ban lait na ka jingbat jong-
ki rangbah hynrei kim pyllait satia iaka.

“Phuit khun ka khusbi ! lada pham ioh
shynrang balei pham phah wad banga ? Ka tim
ka tla, ka khoh ka khlong haban da suwan hi
jrut Katba ka Sukrilin pat ka iam sluk shi-sluk
hangta.

“Ngan sa iapeit kai . . . lait sa tang ba
pham mih pyrtbei shuh.” Byrngem ia iaid
ka Jenita.

Ha kata ka miet baroh ki nongbam nong
dih ki la iamih noh nangta bad um don ba
rung shuh wat tang iwei ruh. Sah sa tang ba-
roh arngut shi khun shi kmie, bad la kyn-
jah hi jar. Hapdeng ki jinglehraiñ kaba la

palat ia la ka jong ka jingjot bad ia ka ryn-
feng ba la die tad dor, khlem bam khlem
dih ka kiew beit joit halor jingthiah. Ka
kmie baroh shimiet kam nang ionthiah ion-
dem shuh. kam poi pyrkhat ba ka khun jong
ka ka la poi sha duh uta upud ba kala long
ka jing bam shngiam rai jong ki 'rang drai-
bar.

Ki sngi ki mareh sted, katba nangmih na
kawei ka por sha kawei pat ki nongbam nong-
dih ki la duna. Ka dukan jong ki ka la
kynjah jar bad sdang daitthah. Ka Sukrilin
ruh kam da smat da sting shuh ka trei ka
ktah kumba mynshuwa. Ka sngew tlod bad
khia ka met ka phad ka sn'ehdoh jong ka ruh
ka lieh blad, teng teng wan lap ka jingking-
khlieh bad kynroi pie. Khadduh ka sa sngew
thuh ia lade ba ka la ar-met.

Bao iathuh ha ka kmie kam nud, ka ialeh
katba lah ban burieh na ka kmie. Namar ba
ka tieng bad lehra.ñ. Hyorei ka kmie ka la
dep ithuh iaka tamgba kam kwah ban kylli
Dei tad ynda ka la dap lai bnai ba ka kmie
ka sa sdang kylli bi noh dalade.

"Lin"

"Balei mei . . . ?" jubad ka Sukrilin ryng
kat ka met ba la sdang subjer.

" . . . balei phi leh kumne? Phim khlain tha
ne?" twad jingmut ka kmie.

"Hooïd keiñ Mei ktha bad king ka khlieh, ym sngewthuh sngewthaw shuh."

"Naduh mynno ?"

"Nga tharai mynta la artaiew tam phi mei.

"Te --- balei phim iathuh ianga ?" ban biang ka kmie.

"Tip seh Mei nga dang mut ba tang arsngi ne lai sngi nga la koit pynban.... jubab ka Sukrilin. Ka da sngew phylla ia ka jingkylli jong ka kmie.

"Koit phio shu koit hi khlem da dih dawai ? khie leit shim dawai noh na aspata Tynjuh buit biang ka kmie.

"Koit phi Mei ym lei lei sa ia ka lieh - bang - ja ruh ."

"Wa ! phi mut kumno kumta.....? kata phim lei lei du pleng? Phim dei ban khein shngain. La shai loh kan ban jur pynban."

"Em ngam lei lei ym dei phi mei kumta." jubab ka Sukrilin bad ka ithuh ba ka kmie ka la don jingsuba ei ei shaphang jong ka.

"Kata phim treh ban dih dawai?" ong biang ka kmie.

"To mei ngan sa leit" ka la jubad tang ban phynhun bad pynsuk ia ka kmie.

Mar kumta ka khreh ban phong jaiñ phongnep bad ka da leh mynleh kumba ka da kwah eh ban leit shim dawai. tang mar- iadep khreh kala kiew joit da ka A S. Tran sport, ban leit shim dawai sha Shillong kat- ha ka kali ka dang iaid, ki jing - kynroi ba bar rukom ki ia rung ia mih ha ka dohnud jong ka.

Tang mar iapoi ha Mawlai petrol pump ka la iohi liak ia ka kali jong u Singh kaba dang ieng hangta. Mar kumta ka pynieng ia ka kali bad ka tur artad sha u.

"Singh" Ka kynrup artad trait ia u.

U Singh u la kyndit thret la kumba iuh tdong bseiñ. Um poi pyrkhath satia ba kan dei ka Sukrilin u dang mut badei u khynnah helper.

"... Phi la klet ne ianga ? Balei phi leh- beñ ianga ?" la ong ia iam ka Sukrilin.

"He ... !!! Balei" jubab u Singh bad u da syrkhath ia ka dur ka dar jongka ba kala kylla hi bak-ly-bak.

"Mynta nga la armet ... na phi ?" ka iam artad bhuk.

"... armet na nga? Ngam ngeit." uda kynriah artad na ka jingbat jongka.

“Phim ngeit shaei ki kular ba phi la khlei baroh.” Ka niad artad ia ki ummat.

“Balei pat . . . nador jongnga phi la klim shawei ?” u la kren dom.

Ka Sukrilin kam lait ang shuh. Ka shu ieng sah habar ka kali ryngkat ka iam.

“Em Singh” ka iam artad sluk shi sluk. “Dei maphi uba pynjot bad ialam iangasha kane ka lynti. Lymkumta ngan long lei kumne. Tang mar ia shong bad nga phi jah jynduh bad phi kiar noh na nga haduh arsnem laisnem phim wan shuh haduh ba nga la duh jingkyrmen ia phi”.

Ha ka jingshisha u la isynei kylla iaka. La-da u ri u sumar iaka kumba u la kular, kan nymjia iaka da kumne. Hynrei ka por pat kamlong shuh.

“Lin Map ianga. . . . hooid nga dei u tnga jongphi bad ym dei ba phi armet nanga.” La ong u Singh bad u da pynkham artad artylli ki lut shispah ba ka kti jongka. Hynrei kam treh. Ka iaiaid noh artad nangta ryngkat ki ummat kthang.

Katba ka dangiaid ha lynti, u Singh u la shu peit sab sha ka ryngkat ka jingbabe, ban iohi ia ki khohwah balieh jongka ryngkat ka skirt ba khib pawang ba ka jingbeh ka lyer.

Ban leit shano shano ruh kam sngewnnang shuh. Ban leit wad ia u Bantei ruh kam nud, namar ka tieng iap tieng im ia ka jingbyrngem ka tnga jongu. Ka dohnud ba la pait ryngkat ka jingbabe ka la lynshop baban da biang hijai ha ka jingim jongka Ban leit wad ia uta u draibar dkhar uba ia wan party sha Damsite ruh kam man shem satia. Kam tip shano u poi shaei u don. Bad lada ka iashem ruh ka tip skhem ba kam myntoi eiei bad pynpait dohnud pynban arshah. Ka por ka dei ban ap sa tang ba kan kha noh ia I Khun-lung ba ka la pun. Kam myntoi shuh ban babe. Wei shisjen ba ka um ka la liat ym lah shuh ban tam. Ka por ba la leit kam lah shuh ban wanphai. Ka jing-jynjar ba ka la ngat dei kaba ma ka hi ka thaw. Ka bneng ka la sdang kem khriat, ka sngi ruh ka la sep. Hapdeng kata ka kut jingmut, ka la leit phai noh sha la ing, ryngkat ki ummat kthang.

Tang mar ia poi ha ing, ka la sdang ban iathuh bad phla noh ha la ka kmie. Namar ka tip skhem ba ynda ka por hi ka la poi kan ym lah shuh ban buhrieb ialade na kata baroh.

“Mei” Ka la ong tang mar ia shong ha ka mula, “..... Mynta.....nga.laa.aaaa.armet.”

“He.... ! ! armet ? ... phi la armet seh ? Kum-no kumta. . . .ngam lah ngeit.” Ka Kmie kaba la dep tip lut ia kata baroh, ka shu leh mynleh.

"Hoooid.... kein Mei. . . nga la armet shi-sha." Ka la iathuh ryngkat ka iam.

"Kata phi la dap katno bnai khun ? " kylli ka Kmie.

" Saw bnai.... Mei." La iathuh ka Sukrilin ryngkat ka met ba itbait bad ikhia bha.

Ka Kmie ha ka jingshisha kam kwah ban kylli ia ka na uei ba ka armet bad uei u tnga jong ka. Namar ka tip ba kan pynsgewsib ararshab ia ka. Hynrei haba ka phai pat sha ka kamram longkmie, ka sngew ba ka dei ban kylli ia ka. Ha ka jingbymbanse, ka Kmie ka la kylli.

"Kata.....Uei Lin u tnga jongphi ?" Ha ka jaka ba kan bitar, ka la isynei kylla ia ka.

"Mei" ka iam artad bhuk". . . . : ngam tip u la phet " Ka shu jubab lyngkot bad ka iam artad sluk-shi-sluk.

"Lin.sogap khun wat iam. Ngan sa ri sa sumar ma nga ia phi." La pyn-tnge ka Kmie." "Yn leh kumno khun haba la sniew la ka nusib Kupar la jong."

"I Pa I don shaei Mei ?" Ka la sdang ban pynklet nob ia ka kmie haba ka iobi ba ka la sngewsih na ka bynta jong ka.

Ha kata ka por, ka kmie ka la paitdohnud

ar shah ban kynmaw ia la u tnga. Ka la kynmaw ia u ba u la khang ia ka ban nym die dukan shub. Ka la kynmaw ia ki kyntien ba u sneng u kraw ia la ka khun. Ki jingmut jingpyrkhat ki sdang ringtlot. Ki ummat kyrsoi bad jaw ha ki ngab jong ka.

“Lin.....I Pa jongphi I don sha la shnong khun.” Jubab ia iam ka kmie.

“I long kumno Mei . . ? . . .I sbait I khlaiñ ne . . . ?” Kwah tip ka Sukrilin ia la u Kpa. Namar ka la lyndet ia u la bun sien.

“Hooïd khun, I khlaiñ bha bad I la sdang noh ka met bad ring tymmen.” La iathuh ka Kmie. Nangta ka bteng biang.” Balei khun phi kwah ban ia kynduh ia I ?”

“Hooïd Mei.....”La jubab ka Sukrilin ha ka sur kaba tlot, “Nga kwah ban iathuh ia I ba nga la armet bad ba ngan pan map na I PaPa ba nga la lyndet bad iuhroit ia ka hukum jong i.” Ka niat artad ia ki ummat.

“Balei.....Mei ?”

“Wat pyinkhuslai than khun ia lade. Ngin sa leit phai sha la shnong ha kane ka taiew ka ban wan.... ban ia shem ia I. Ngin sa thoh da ka shithi ba in dup ap ia ngi ha iing.” La pyinkut ka Kmie.

'Ka por ka la miet. Ka shnong ka'thaw
ka la kynjah jar. Shu iohsngew tang ia ka
jingilew jong ki 'sew shnong. Kine baroh ar-
ngut ki la leit thiah kli mlan hapoh ka nep-
bah ban dup syaid.

Ka sngi ka mareh sted. Ka lyer syn-
rai ba iwbihi suhsieng ka beh jem hir hir ban
pynpyngngad ia ka shnong ka thaw. Ki um-
jer ki khih khrip khrip ha ki phlang ki kyn-
bat, ha ka jingphalang ki kjat sngi balung.
Dang step phyrngab, ka Sukrilin bad la ka
Kmie ki kiew sba Shillong da ka A. S. Tran-
sport. Na Shillong pat, ki leit sha la shnong,
sha Lumsiej.

Ha lynti, katba ka kali ka dang iaid, ka
Music jong ka tape - kali ka sawa dhum -
shidhum da ka jingrwai jong u Bah Sken-
drowell Syiemlieh (Jingsneng Jingkraw).

Haba ngi iohi, iaki 'thei Khasi jongngi,
Bapli ki jot, ngi kyniiw kyneh iaki,
Phewse ngim shym tip, ia ka daw tynrai shisha;
Kaba pynpoi, iaki sha jinglong kumta.

Hooi ki don teng teng, ki Kynthei Khasi
jong ngi,
Ha jinglongtlot, kiba pli na - lade hi;
Dei namar jingsneng, na Rympei kim biang
thikna,
Ha Jinglaitlan, ki shu jot ei kha - makha.

Sha ka pyrtbei ba jngai bah ; ba ka dohnud briew kam lah ban batai, hangta ka Sukrilin ka khan ka bishar marwei ha la ka mynsiem ban pynshong nongrim ia kita ki surjingrwai. Kam tip shuh shano ka kali ka iaid, shadien ne shakhmat. Kingab ki sawkyrang. U klong-snam u kynden sted. Ka sngew kumba baroh kiba don hapoh ka kali ki la tip lut ia ka jinglong bad jingim jong ka. Ka sngew kumba ka la phla madan lut ialade hangta baroh. Hynrei ka bor pyrkhathongka ka kham khlaifi ban ia kita baroh ban darapjot ialade. Dei tad ynda la poi ha shnong ba ki hiar na ka kali ban leit sha la iing.

Tang mar ia hiar na ka kali, na pajih ki la iohi ba ka ing ka i kynjah bad ym don briew. Baroh ki jingkhong ki khang khyrdep. Ki kjat jongki ki ialam beit thiaw thiaw sha phyllaw ing, Ynda poi ha phyllaw ing. Ka Sukrilin ka shem ba ka ing ka sem kala kylla bakly-bak. Kam long shuh kum mynshwa. Ka ing ka la jot bad rim bha. Ki tin baroh kila sdang pyut. Ha baranda bad ha phyllaw dap da ki niut bad ki phlang kiba san bha. Namar ym don nongpynkhuid shuh. Ban rung shapoh ing ruh kim lait namar ia ka jingkhong la khang tala, ki shu iaswait sawdong ia ka shakiar ing ban ap haduh ban da wan u Kpa.

Tang shiphang, u Kpa ruh ula poi bad la ka diengiaph shi-kit ha kamet. Tang mar ia bynshet ia ka diengiaph, da ka jingkmien

ka bym lah shuh ban batai, ki kynrup trait ban doh bandait baroh shi kmie shi kpa ryngkat bad la ka khun kaba jaw artad ki ummat ksiar ummat rupa haduh ba khlem mih jingsawa shuh shiphang. Ynda ki la iapyllait nangta, ki la iarung khruai shapoh ing.

Mar iarung ha ing. U Kpa u shim ki jingbam sniang ban bsa iala ki sniang ba u la ri U set ki syiar u set ki blang, ka kmie bad ka Sukrilin pat ki pynstet ka kam ka jam. Ki sliew ka ding ka theh ban dup kloj ka shet ka tiew. Ynda la dep ka bam ka dih, baroh laingut ki ker sawdong ia ka lyngwiar dpei barhem ryngkat ka kren ka khana ia ka kam ka duk bad ia kane katai.

U Kpa ynda haba u la tip ba ka Sukrilin ka la armet, ha ka jaka ba un bitar iaka, u klet noh ia kita baroh bad u pynhun ia lade na ka bynta ka jingsuk bad jingbha. Ka mynsiem jong u ka hun khlem jingbuhkhoh shuh haba ki la ia don ryngkat ha ing baroh shi lynter ka jingim jongki.

Hapdeng ka jingkmien jingsngewbha jongki baroh lai ngut, ka sngi ruh ka mareh sted na kawei ka aiom sha kawei pat. Ka por ka la dei ia ka Sukrilin ba kan kha noh ia la I Khun ba ka la pun. Ka la dap kha dar bnai pura, ia I Khun ba kan kha. Haba ki sngi u bnai ki la biang, ka la kha suk kha said ia la I khun da I Khun kynthai. Ki marjan mar-

pa, kiba ha ing ha sem ki la iapoi lut ha ing jongka ban wan peit ia I Khun kynthai ba bhabriew lymphuin. Hynrei kaba sngewphylla eh ka long ba ia u kpa jong ita i khunlung um lah ban tip, bad lano Yn Khot Papa.

Tang mar iadep kha, u kpa ka Sukrilin u pynkhreh ka umsum umseh na ka bynta ka khun bad la I Khun-ksiew. Ynda la dep ka pynsum pynseh baroh, u la ong ia la ka 'menkmie.

"Ot noh da ka syiar mo Kmie ban dup dih umshit syrwa ka Lin" U da ktha kwai artad mep-shi-mep ryngkat bad ka shyntur ka ba la saw da ki umbiah kwai suda.

"Hooïd keiñ .. Kpa." Mynjur ka Menkmie. "Kem da kato ka 'yiar lud kaba lieh, kaba dang sngaid bha." Ong ka Menkmie katba ka dang pynsyaid ia la i Khunlung ha ka pneh lajong.

"Em Yn nai ... phi, Mei Papa Luksan pynban." La ong ka Sukrilin katba ka dang pynrkhiang ia u shñiuh bajhieñ rathai ba ka dang .shu. dep. sum.

"Wa ka bieñ...." kynteit ryngkat ka kmie bad u Kpa. "Luksan ka ong. Kat in I khun ngi la loh ruh"

“Hoold keiñ.” Kubur-i wei i tymmen marjan iba don lang hangta.” “Phi I Lin, lada dih umshit syrwa, ka buiñ ruh ka mih bha.”

“Hooid keiñ.” mynjur ka kmie.

“To kata ... khie papa kem ...” la Mynjur ka Sukrilin.

“Ale .. lib.” La khot u kpa ka Sukrilin ia u wei u khynnah marjan uba don lang hangta.” Tbeh ding mame ngan kem manga.” Uda ai artad ka tangbasa ha uta u khynnah.


Ha kata ka miet, ka kmie bad u kpa ki la iabun kam bha, Ban khreh bam khreh dih ia ka khun bad ia ki lok ki jor kiba wan peit khun. Hynrei don napdeng jongki nongpeit khun kiba iarap trei kam lem. Ki nongrung nongmih wut-shi-wat. Ki da ai khublei ia ka kmie bad ia la I Khun ryngkat ka kitbok kitrwiang ba kin ia shait ia khelaiñ ha ka bormet. Dei tad ynda la dap 12 baje shiteng synia ba ki nongpeit khun ki sa kynjah jar bad ki ruh kila sdang ban leit tbiah noh.

Katba ki sogl ki ia ki dangiaid, ita I khunlung I la nangheh nangsang bad I shait I khelaiñ bha mlen hapdeng ka jingsumar ka kmie bad I Mei-ieid, Pa-ieid. Ki ai ka jingsumar kaba biang. Ka Sukrilin ruh ka shait ka khelaiñ bha. Ynda I khunlung I la dap shi snem pura ka rta, kila khawai dapsnem

ban pyndonburom ia ka sngi kha jong i bad
ki jer kyrteng artad ia I, da I Bhalin.

Katba ka 'sngi ka dangiaid, ka Bhalin ka
la nang beh nang san haka rynieng ryniod.
U Sumarlang, ka Sitalin bad ka Sukrilin ki
ai ka jinghikai kaba biang ia laka khun. Ki
pynbeh pynsan iaka. Ki ai jingnang jingstad.
Ki ai jinghikai ba kan nang ka burom ka
akor. Ki hikai ba kan ieit bad burom iaki
bad ia kiba haing hasem.

Ka Sukrilin kala hun la kmen bad ka suk
ka tngen bad la ka khun Kynthei ba bha-
briew lymphuiñ khlem jingklusai shuh.



LA PYNPHRIANG DA KA:

1

KHASI BOOK STALL

Room No 38
Synod Super Market
Mawkhar Main Road
Shillong - 793 002

2

NEW BOOK CENTRE

Police Beat House
Laitumkhrach
Shillong - 793 004

3

MASAN BOOK STALL

Jowai

K. B. S.
Price Rs. 15.00